

御選唐宋文醇

一
函
八
冊
函

御選唐宋文醇

知不足齋

PDG

御選唐宋文醇卷之四十七

眉山蘇軾文十

狀

論河北京東盜賊狀

論浙西災傷第一狀

論積欠狀

論綱梢欠折利害狀

朝辭赴定州論事狀

御選唐宋文醇卷之四十七

眉山蘇軾文十

論河北京東盜賊狀

熙寧七年。月。蘇軾奏。臣伏見河北京東。比年以來。蝗旱相仍。盜賊漸熾。今又不雨。自秋至冬。方數千里。麥不入土。竊料明年春夏之際。寇攘爲患。甚於今日。是以輒陳狂瞽。庶補萬一。謹按山東。自上世以來。爲腹心根本之地。其與中原離合。常係社稷安危。昔秦并天下。首收三晉。則其餘強敵。相繼滅亡。漢高祖殺陳餘。走田橫。則項氏不支。光武亦

自漁陽上谷發突騎席卷以并天下。魏武帝破殺袁氏父子。收冀州。然後四方莫敢敵。宋武帝以英雄絕人之資。用武歷年。而不能并中原者。以不得河北也。隋文帝以庸夫穿窬之智。竊位數年。而一海內者。以得河北也。故杜牧之論。以爲山東之地。王者得之以爲王。霸者得之以爲霸。猾賊得之以爲亂。天下自唐天寶以後。姦臣僭峙於山東。更十一世。竭天下之力。終不能取。以至於亡。近世賀德倫挈魏博降後唐。而梁亡。周高祖自鄴都入京師。而漢亡。由此觀之。天下存亡之權。在河北無疑也。陛下卽位以來。北方

之民流移相屬。天災譴告亦甚於四方。五六年閒。未有以
塞大異者。至於京東。雖號無事。亦當常使其民安逸富強。
緩急足以灌輸河北。餅竭則鬻恥。臂亡則齒寒。而近年以
來。公私匱乏。民不堪命。今流離饑饉。議者不過欲散賣常
平之粟。勸誘蓄積之家。盜賊縱橫。議者不過欲增開告賞
之門。申嚴緝捕之法。皆未見其益也。常平之粟。累經賑發。
所存無幾矣。而飢寒之民。所在皆是。人得升合。官費邱山。
蓄積之家。例皆困乏。貧者未蒙其利。富者先被其災。昔季
康子患盜。問於孔子。對曰。苟子之不欲。雖賞之不竊。乃知

上不盡利則民有以爲生苟有以爲生亦何苦而爲盜其
間凶殘之黨樂禍不悛則須敕法以峻刑誅一以警百今
中民以下舉皆闕食冒法而爲盜則死畏法而不盜則飢
飢寒之與棄市均是死亡而賒死之與忍飢禍有遲速相
率爲盜正理之常雖日殺百人勢必不止苟非陛下至明
至聖至仁至慈較得喪之孰多權禍福之孰重特於財利
少有所捐衣食之門一開骨髓之恩皆徧然後信賞必罰
以威克恩不以僥倖廢刑不以災傷撓法如此而人心不
革盜賊不衰者未之有也

強刳民財者法如何曰亂之漸也殺無赦緩之致亂被殺者必多折其萌芽是殺以止殺也仁也因饑而成盜所盜不過斛米斛麥而聚眾每百十人則盡殺之乎曰是所爲沒其文於法而經生得以引經斷之者也不盜則飢死盜則法死法不加於待死之飢民也明矣且有任其咎者天災流行何國蔑有吏蚤上聞而爲之備不飢飢而有備救之得其法仍不飢至於飢而吏之罪大矣尙不焦頭爛額以出之於水火致使羣聚以刳乎羣聚以刳猶不亟翦其渠魁以散其勢而使之延刳乎是故救死之盜可貸致盜

奏浙西災傷第一狀

元祐五年七月十五日龍圖閣學士左朝奉郎知杭州蘇軾狀奏右臣聞事豫則立不豫則廢此古今不刊之語也至於救災恤患尤當在早若災傷之民救之於未飢則用物約而所及廣不過寬減上供糴賣常平官無大失而人受賜今歲之事是也若救之於已飢則用物博而所及微至於耗散省倉虧損課利官爲未困而已飢之民終於死亡熙寧之事是也熙寧之災傷本緣天旱米貴而沈起張覲之流不先事奏聞但務立賞閉糴富民皆爭藏穀小

民無所得食。流殍旣作。然後朝廷知之。始敕運江西及截
本路上供米。年百五十萬石。濟之。巡門俵米。攔街散粥。
終不能救饑饉。旣成。繼之以疾疫。本路死者五十餘萬人。
城郭蕭條。田野邱墟。兩稅課利皆失。其舊勘會熙寧八年
本路放稅米。年百三十萬石。酒課虧減六十七萬餘貫。略
計所失。共計五百三十餘萬貫石。其餘耗散不可悉數。至
於轉運司貧乏不能舉手。此無他。不先事處置之過也。去
年浙西數郡。先水後旱。災傷不減熙寧。然聖仁智聰明。
於去年十月。首發德音。截撥本路上供斛斛一十萬。

石販濟。又於十二月中。寬減轉運司元祐四年上供額斛。三分之一爲米五十餘萬斛。盡用其錢買銀絹上供。了無一毫虧損縣官。而命下之日。所在歡呼。官旣住糴米價自落。又自正月開倉糴常平米。仍免數路稅務所收五穀力勝錢。且賜度牒三百道。以助賑濟。本路帖然。遂無一人流殍者。此無它。先事處置之力也。由此觀之事。豫則立。不豫則廢。其禍福相絕如此。恭惟二聖天地父母之心。見民疾苦。匍匐救之。本不計較費用多少。而臣愚魯無識。但知權利害之輕重。計得喪之大小。以謂譬如民庶之家。置莊田。

招佃客本望租課非行仁義然猶至水旱之歲必須放免
欠負借貸種糧者其心誠恐客散而田荒後日之失必倍
於今日也而況有天下子萬姓而不計其後乎臣自去歲
以來區區獻言屢瀆天聽者實恐陛下客散而田荒也去
歲杭州米價每斛至八九十自今歲正月以來日漸減落
至五六月間浙西數郡大雨不止太湖泛溢所在害稼六
月初間米價復長至七月初斛及百錢足陌見今新米已
出而常平官米不敢住糶災傷之勢恐甚於去年何者去
年之災如人初病今歲之災如病再發病狀雖同氣力衰

耗○恐○難○支○持○又○緣○春○夏○之○交○雨○水○調○勻○浙○人○喜○於○豐○歲○家○
家○典○賣○舉○債○出○息○以○事○田○作○車○水○築○圩○高○下○殆○遍○計○本○已○
重○指○曰○待○熟○而○淫○雨○風○濤○是○舉○害○之○民○之○窮○苦○實○倍○去○歲○
近○者○將○官○劉○季○孫○往○蘇○州○按○教○臣○密○令○季○孫○沿○路○體○訪○季○
孫○還○爲○臣○言○此○數○州○不○獨○淫○雨○爲○害○又○多○大○風○駕○起○潮○浪○
堤○堰○圩○埝○率○皆○破○損○湖○州○水○入○城○中○民○家○皆○尺○餘○此○去○歲○
所○無○有○也○而○轉○運○判○官○張○璫○自○常○潤○還○所○言○略○同○云○親○見○
吳○江○平○望○八○尺○間○有○舉○家○田○苗○沒○在○深○水○底○父○子○聚○哭○以○
船○筏○撈○攬○云○牛○米○猶○堪○炒○喫○青○稊○且○以○喂○牛○正○使○自○今○雨○

止已非豐歲而況止不止又未可知則來歲之憂非復今年之比矣何以言之去年杭州管常平米二十三萬石今年已糶過十五萬石雖餘八萬石而糶賣未已又緣去年災傷放稅及和糶不行省倉闕數所有上件常平米八萬石只子兌撥充軍糧更無見在惟有糶常平米錢近八萬貫而錢非救飢之物若來年米益貴錢益輕雖積錢如山終無所用熙寧中兩浙市易出錢百萬緡民無貧富皆得取用而米不可得故曳羅紈帶金玉橫尸道上者不可勝計今來浙東西大抵皆糶過常平米見在絕數少熙寧之

憂凜凜在人眼中矣。臣材力短淺，加之衰病，而一路生齒，
憂責在臣。受恩既深，不敢別乞閑郡。日夜思慮，求來年救
飢之術，別無長策。惟有秋冬之間，不惜高價，多糴常平米，
以備來年出糶。今來浙西數州米既不熟，而轉運司又管
上供，年額斛斗三百五十餘萬石。若兩司爭糴，必大費。
饑饉愈迫，和糴不行。來年青黃不交之際，常平有錢無米。
官吏拱手坐視人死，而山海之間，接連甌閩，盜賊結集，或
生意外之患。則誅殛臣等，何補於敗？以此須至具實聞奏。
伏望陛下備錄臣奏，行下戶部及本路轉運提刑兩路鈐

轄司疾早相度來年合與不合。準備常平斛斛出糶救飢。如合準備卽具逐州合用數目。臣已約度杭州合用三十萬石。仍委逐司擘畫。合如何措置。令米價不至大段翔湧。收糶得足。如逐司以謂不須準備。出糶救濟。卽令各具保明。來年委得不至飢殍流亡。結罪聞奏。緣今來已是入秋。去和糶月日無幾。此及相度往復取旨。深慮不及於事。伏乞詳察。速賜指揮。臣屢犯天威。無任戰慄待罪之至。謹錄奏聞。伏候敕旨。

朱子嘗曰救荒之術在備之未荒之前若至已荒更有何

策至哉言也後世司牧斯民者哀鴻遍野尙欲壅於上聞
能如軾之未雨綢繆懔懔恒忠愛爲民請命乎此則文之醇
乎醇而可爲世法者佳文豈在聲調格律之工哉

民既富而教然後可以節義古之所謂善人者其才必
人遠甚今立聖臨御八年於茲仁孝慈儉可謂至矣而
願日益困農民日益貧困貢不行水旱相繼凶土聖之
而無善人之效臣竊痛之所至訪聞耆老有識之士陰求
其所以皆曰方今民荷寬政無它疾苦但爲積欠所壓如
負千鈞而待斃於偏仆則幸矣何暇舉昔舊習以爲永